

YĀGŌGŌRINŌ

Isarailanŋ pākpana Dikirii 1:1-3:6

Yāgŏgŏri káakunŋ 3:7-3:31

Debora 4:1-4:24

Gidion 6:1-8:35

Samusi 13:1-16:31

Isarailanŋ zĭkana kŭ Kanaa buri kŭ ò gŏnŋ

¹Yŏsua ga gbera Isarailanŋ Dikiri gbèka ò pì: Dínŋ mé oni gé zĭ káwεε kŭ Kanaanŋ káakuu? ²Akŭ Dikiri pì: Yudanŋ mé oni gé. À ma! Ma bùsuu pìi nàńne ní ɔĩme. ³Akŭ Yudanŋ pì ní dane Simeŋŋŋne: À mó à gé zεwεε gu kŭ Luda kpàwá túbi ũ gŭn, ò zĭ ká kŭ Kanaanŋ gbasa ò gé zεáre gu kŭ à kpàáwan. Akŭ Simeŋŋŋ gèε kŭńwo. ⁴Kŭ Yudanŋ gèε le, Dikiri Kanaanŋ kŭ Perizinŋ nàńne ní ɔĩ, akŭ ò ní dede zaa Bezeki dúbu kuri. ⁵Gwen ò Adonibεzeki lèn ò zĭi kà káao, akŭ ò Kanaanŋ kŭ Perizi pìnŋ dède. ⁶Kŭ kína pì ten bàa lé, akŭ ò pèa. Ò a kŭ, akŭ ò a ɔnemidanŋ kŭ a gbánemidanŋ zĭzĭ. ⁷Akŭ Adonibεzeki pì: Ma kína gbēŋŋn baaakŏ akurinŋ ɔnemidanŋ kŭ ní gbánemidanŋ zĭzĭ, akŭ ò pŏble kŭ à lète ma teburu gēi kŏnŋ wè. Lákŭ ma kè gbē pìnŋne nà, a fīnan Luda bòmεne. Akŭ ò gèε káao Yurusalemu, gwen à gàn.

⁸Kŭ Yudanŋ lète Yurusalemua, ò sì, akŭ ò a gbēnŋ dède kŭ fēnedao ò té sŏa. ⁹Abire gbera Yudanŋ gèε ò zĭ ká kŭ Kanaa kŭ ò kú gusĭsĭdenŋŋ kŭ Negevio kŭ gusarao. ¹⁰Ò gèε ò lète Kanaa kŭ ò kú Eblonunŋa.

Eblonu tón Kiriataba yā. Gwen ò z̄i blèn Sesai kũ Aimao kũ Talamaiooa.

¹¹ Bona gwe ò ḡe léte Debidenᵋ. Debi tón Kiriasefa yā. ¹² Akũ Kalebu pì: Gb̄e kũ à lète Kiriasefa p̄ia à sìn, mani ma n̄nᵋgb̄e Akasa kp̄aa nᵋ ũ. ¹³ Kalebu dakũna Kenazi né Ōtonieli mé à s̄i, akũ Kalebu a n̄nᵋgb̄e p̄i kp̄aa. ¹⁴ Kũ à a s̄e, akũ à nàkaraa à gé z̄ite wé ke a dea. Kũ nᵋgb̄e p̄i k̄pa a zaakia, akũ Kalebu a là à p̄i: Bón n̄ yeii? ¹⁵ Akũ à w̄e à p̄i: Ñ gb̄eke kemene. Zaakũ gu kũ n ma gba kú N̄gevi gb̄arannan, ñ ma gba a ís̄ebokide dᵋ. Akũ Kalebu a gb̄a gu kũ a ís̄eboki kú s̄is̄i musu kũ gu kũ a ís̄eboki kú guvute ḡunwo.

¹⁶ Musa anzure buri kũ òdi pi Keninᵋ b̄o w̄ete dominaliden kũ Yudanᵋ, ò ḡe ò v̄ute kũńwo n̄ b̄usun Aradi sare N̄gevi gb̄arannan. ¹⁷ Akũ Yudanᵋ kũ n̄ dan̄e Simeᵋnᵋ ḡe ò lète Kanaa kũ ò kú Zefanᵋ. Ò w̄ete p̄i kàkate mámmam, akũ ò tó kp̄ane Ōma. ¹⁸ Yudanᵋ Gaza kũ Asakelᵋnio kũ Ekerᵋnuo kũ n̄ guno s̄i. ¹⁹ Dikiri kú kũńwo, akũ ò n̄ gukpide s̄i, ama odi f̄ ò p̄e gusaradenᵋaro, kũ gb̄e p̄inᵋn s̄go m̄pᵋnᵋ v̄i yāi. ²⁰ Ò Eblonu kp̄a Kalebua lákũ Musa a lé s̄e nà, akũ à p̄e Anaki buri gb̄enᵋn aakᵋnᵋa gwe. ²¹ Biliaminunᵋ s̄ òdi pé Yebusi kũ ò kú Yurusalemunᵋaro, akũ Yebusinᵋn kú kũńwo Yurusalemu ari kũ a gb̄arao.

²² Yusufunᵋ s̄ ò lète Betelia akūs̄ Dikiri kú kũńwo. ²³ Beteli tón Luzu yā. Kũ ò gb̄enᵋ z̄i Beteli asiri gwa, ²⁴ gu'asirigwariì p̄inᵋ ḡōgb̄e ke è àten bo w̄ete p̄in, akũ ò p̄ine: Ñ owere daran óni ke nà ò ḡe w̄ete ḡun óni gb̄eke kenne. ²⁵ Kũ à zé m̄ónne, akũ ò w̄etepidenᵋ d̄ede kũ f̄enedao, akũ ò ḡōgb̄e p̄i tò kũ a

danenŋ ń pínki. ²⁶ Gōgbē pìi gèe Iti b̀sun à wēte kàte gwe, akū à tó kpàne Luzu. Tó bire mé à g̀ne ari kū a gbārao.

²⁷ Manasenŋ dí pé Kanaa kū ò kú Betesā kū Tanakio kū Doro kū Ibleamuo kū Megidoo kū ń lakutunoro, zaakū ò g̀ ò kpé vute b̀suo p̀mme. ²⁸ Kū Isarailanŋ gbāna lè, akū ò Kanaanŋ dà z̀z̀n, odi pémma ń pínkiro. ²⁹ Leme se Eflaimunŋ dí pé Kanaa kū ò kú Gezanoro, akū ò kú gwe lele. ³⁰ Leme do Zebulunŋ dí pé Kanaa kū ò kú Kitionu kū Naloluonoro, akū ò ń dá z̀z̀n. ³¹ Leme do Asanŋ dí pé gbē kū ò kú Ako kū Sidō kū Alabuo kū Akazibuo kū Elbao kū Afekio kū Reobuoaro, ³² akū ò vute lele kū Kanaanŋ b̀sude p̀no. ³³ Leme do Nafatalinŋ dí pé Besemesidenŋ kū Betanadenoro, akū ò vute lele kū Kanaanŋ b̀sude p̀no ò ń dá z̀z̀n. ³⁴ Amorinŋ Dānŋ ỳpa ò ń kpá gukpiden, odi weñne ò su vute gusaranlo. ³⁵ Amori p̀no g̀ ò kpé vute Eresi kpia kū Ayalonio kū Salabimuo. Kū Yusufunŋ gbāna kàra, akū ò ń dá z̀z̀n. ³⁶ Amorinŋ b̀su lézeki nàa zaa Fí Gbèkpakotozen ari à gèe pé Selaa ari à gèe o are kpa.

2

Dikiri Malaika bo à suna Isarailanŋa zaa Bokimu

¹ Dikiri Malaikaa b̀ Giligala à gèe Bokimu à p̀: Ma á b̀te Misila, ma gē kāáo b̀su kū ma la dà á dizinone dí g̀n. Ma p̀ mani ma bàka kunna kāáo yā gboro zikiro. ² Ma óare á yā sún kakara kū b̀su dí denoro. Ma óare à ń sa'okinŋ gboro, akū ádi ma yā maro. À kè dera a kè lee? ³ Tò! Maten óare,

mani pémmaáre doro. Onigŏ deáre lè ũ á gbàntereεa akūsŏ n̄ tãnanŏ nigŏ deáre tankute ũ. ⁴ Kū Dikiri Malaika yā p̄i ò Isarailanŏne, ò ɔɔ d̄ò gbānagbāna. ⁵ Akū ò tó kpà gu p̄ine Bokimu, akū ò sa ò Dikiria gwe.

Isarailanŏ kpelina Ludane

⁶ Yɔsua gbēnŏ gbarena gbera baadi gèe à gu kū ò kpàa túbi ũ kù. ⁷ Ò d̄ò Dikirii Yɔsua gɔɔa pínki kū gbē zŏkŏ kū ò kun a gberanŏ gɔɔo d̄o. Gbē zŏkŏ p̄inŏ wé s̄i yā zŏkŏ kū Dikiri kè Isarailanŏnele pínki. ⁸ Kū Dikiri zòbleri Nuni né Yɔsua kè wè basɔɔro akuri, akū à gà. ⁹ Ò a v̄i gu kū à de a túbi ũ gūn zaa Timina Èresi, Èflaimunŏ gukpiden, Gaasi kpi gugbānduru kpa.

¹⁰ Kū Yɔsua gɔɔo gbēnŏ gàga n̄ pínki, né kū ò fùte n̄ gberanŏ Dikiri d̄oro, akūsŏ ò yā kū à kè n̄ dizinŏne d̄oro. ¹¹ Akū ò yā kū à vāni Dikirineε kè ò d̄ò tãnanŏi. ¹² Ò pā kpà Dikiri n̄ dizinŏ Luda kū à n̄ bóte Misilai, ò tè buri kū ò likañyĩnŏ tãnanŏi ò donyĩ kènéne, akū ò Dikiri p̄o fè. ¹³ Ò pā kpà ò d̄ò Baalii kū Asatoreo. ¹⁴ Akū Dikiri p̄o fènyĩ à n̄ ná n̄ wétāmmarinŏne n̄ ɔ̄ ò n̄ wára. À n̄ kpá n̄ ibere kū ò likañyĩnŏa, akū odi f̄s ò ḡi kū n̄ z̄idao n̄ ibereε p̄inŏ ɔ̄ro. ¹⁵ Gɔɔo kū ò gèe z̄i ká pínki, Dikiri d̄i bo n̄ kpe de yā sún bo kũnwo nnaro yāi, lákū à dànéne n̄ s̄an nà, akū ò ḡŏ wétāmma zŏkŏ gūn.

¹⁶ Akū Dikiri yāgŏgŏrinŏ bòbo n̄ té de ò n̄ sí n̄ wétāmmarinŏa. ¹⁷ Ama òdi n̄ yāgŏgŏrii p̄inŏ yā maro, ò pāpā kè ò donyĩ kè tãnanŏne. Ò kè zé kū n̄ dizinŏ sèεa likalika, òdigŏ yā kū Dikiri diteñnenŏ kūna lán n̄ dizi p̄inŏ bàro. ¹⁸ Tó Dikiri yāgŏgŏrii bò n̄

té, àdigō kú kú yāgōgōrii pìio, akū àdigō n̄ sí n̄ iberenō
 ɔ̄i ari yāgōgōrii pìi wèndi lén, zaakū tó ò n̄ dà gbē
 kū òten ɔ̄ tōm̄ma òten wari dōm̄manō yāi, Dikiri d̄i n̄
 wēnda gwamē. ¹⁹ Tó yāgōgōrii gā s̄ō, òdi era ò yaka
 de n̄ denōla. Òdi do tānanōi, òdi n̄ gbagba, òdi donyī
 kēñne. Òdi n̄ yāvānikēnaa pìnō kū n̄ sāgbānao tóro.

²⁰ Akū Dikiri pō fēñyī à pì: Zaakū buri dí ma
 bàka kunna kū n̄ dizinō yā gbòro odi ma yā maro,
²¹ mani péñne buri kū Yōsua gā à n̄ tó n̄ būsunnō kea
 dorō. ²² Mani n̄ suu kē Isarailanōa de mà n̄ yō mà
 gwa, tó oni ma zé sé ògō ma yā kūna lākū n̄ dizinō
 kù nà, ke tó oni kē lero. ²³ Abire yāin Dikiri buri
 pìnō tò gwe. Adi n̄ na Yōsuanē a ɔ̄i à pēm̄ma gōnōro.

3

¹ Dikiri buri pìnō tò gwe de à Isaraila kū odi
 Kanaanō būsū z̄i ká n̄ wáranōnō yō à gwao ² de dō
 à z̄ikana dada gbē kū ò z̄ikana dō yāro pìnōne.
 Buri pìnōn dí: ³ Filisitini kína gbēnōn sōronō kū
 Kanaanō pínki kū Sidōdenō kū Ivi kū ò kú Lebana
 gukpidennō zaa Baali Emō kpia ari à gèe pé Lebo
 Amata. ⁴ À n̄ tó de à Isarailanō yō à gwao, tó
 onigō yā kū à d̄ite n̄ dizinōne Musa gāinō kūna.
⁵ Abire yāin Isarailanō vùte Kanaanō té kū Itinō kū
 Amōrinō kū Perizinō kū Ivinō kū Yebusinōo. ⁶ Ò n̄
 nēnōgbēnō sē nō ū akūsō ò n̄ nēnōgbēnō kpāzā buri
 pìnō nēgōgbēnōa, akū ò dō n̄ tānanōi.

Ṭṭnieli

⁷ Isarailanō yā kū Dikiri yeiro kè. Dikiri n̄ Luda
 yā sāngu, akū ò dō Baalii kū Asatorēo. ⁸ Akū
 Dikiri pō fēñyī à n̄ yía Mesopotamia būsū kína

Kusārisataimua, akū ò z̀ò blène ari wè soraakõ. ⁹ Kū ò s̀ò d̀ò Dikirine, akū à surabarii b̀ò́ne, àkūme Kalèbu dakūna Kenazi né Ɔtonieli ũ. Àkū mé à ń bó. ¹⁰ Dikiri Nini s̀ua, akū à yā g̀g̀g̀ Isarailanone à d̀onne are z̀i g̀n. Dikiri Mesopotamia b̀usu kina Kusārisataimu nàne a ɔ́, akū à gbāna m̀ne. ¹¹ Akū ń b̀usu g̀ katena aafia wè bupla ari Kenazi né Ɔtonieli g̀e à g̀o.

Eudu

¹² Isarailanõ era ò yā kū Dikiri yeiro kè do, akū Dikiri tò M̄abu kina Egeloni gbāna m̀́ne yā vāni kū ò kèe pì yāi. ¹³ Egeloni Am̄oninõ kū Amalekinõ nàawa, akū ò s̀ù ò lète Isarailanõ ò wète dominalide si. ¹⁴ Isarailanõ z̀ò blè M̄abu kina Egelonine ari wè baro plansari. ¹⁵ Akū ò s̀ò d̀ò Dikirine, akū à surabarii b̀ò́ne, àkūme Gera né Eudu, Biliaminu buri ũ. Ɔedeme. Isarailanõ a z̀i táfe bo M̄abu kina Egelonine. ¹⁶ Eudu f̀ene lékplade pì a gbāna kà g̀sākuru do. À nà a gbáda ɔplaa a uta z̀ite, ¹⁷ akū à g̀e à táfe b̀ò Egelonine. Egeloni s̀ bi gbè m̀edeme manamana. ¹⁸ Kū Eudu kū gbè kū ò táfe sè ò g̀eono táfe b̀one ò làka, akū Eudu a gbè p̄no gbàre zén. ¹⁹ Akū à era tāna kū à kú Giligala sare à s̀ù kina pì kinaa do à pì: Má asiriyā v̄i mà onne. Akū kina p̄i pì: À tó mà yā ma, akū a ìba kū ò kú k̄aonõ b̀te. ²⁰ Egeloni vutena ado kpé musu ãampakia, akū Eudu nài à pì: Má yā kū à b̀ò Luda kinaa v̄i mà onne. Kū kina p̄i f̀ute a gbāaa, ²¹ akū Eudu a f̀ene g̀à à ẁto a ɔpla gbádaa kū ɔzeo, akū à a z̀ò a gberɛa. ²² Akū f̀ene p̄i g̀e a gberɛn kū a páo p̄inki ari à b̀ò a kpe.

Ɛudu dí fēne pì wotoro ari a gberε nísi dàala. ²³ Ɛudu bò kpéleleá à kpé ãampaki pì zé tàta à mòda kà.

²⁴ A bona gbera Ɛgelɔni zìrinɔ sù ò è ãampaki pì zé tatana ò kà, akū ò pì: Ke àten bīnikpe ke kpé ãampakian yá? ²⁵ Òteni a dā ari ò bídi kè. Kū ò è adi zé wēńnero, akū ò m̀ne sè ò wè ò gè ò n̄ dikiri è wutena zīte gè ũ. ²⁶ Gɔɔ kū òten kína dā le, Ɛudu bàa lè à dò tāna pìnɔi à tà Seira. ²⁷ Kū à kà gwe, à tò ò kuru pè Ɛflaimu gukpiden, akū Isarailanɔ kipa kāao kpinɔa, Ɛudu dònne arε. ²⁸ À pìnne: À témai, zaakū Dikiri á ibere Mɔabunɔ nàáre á ɔĩ. Ò tēi, akū ò Yoda bikūki kū àdi gé Mɔabunɔ b̀sun s̀i, odi we gbēke bikū doro. ²⁹ Zī birea ò Mɔabu gō gbānanɔ dède dúbu kuri taka bà, n̄ gbēke dí boro. ³⁰ Zī kùà Isarailanɔ gbāna m̀ Mɔabunɔne, akū n̄ b̀suu gō katena aafia ari wè basiikō.

Samaga

³¹ Ɛudu gbera Anata né Samaga Filisitininɔ dède gbēnɔn wàa aakō kū zùdāgooo. À Isarailanɔ sura bà se.

4

Deborá kù Barakio

¹ Kū Ɛudu gà, Isarailanɔ èra ò yā kū Dikiri yeiro kè dɔ. ² Akū Dikiri n̄ yía Kanaa kína Yabī kū à vutena Azoa. A z̀karinɔ gbē zōkō tón Sisera. A ben Arose Goyimu. ³ À sōgo m̀pɔnɔ vī m̀en wàa siikō kū basɔɔroo. À gbāna m̀ Isarailanɔne pāsīpāsī ari wè baro, akū Isarailanɔ ɔɔ d̀ Dikirine.

4 Goro birea nɔgbē annabi kũ òdi pine Debora, Lapidò nanɔ de Isarailanɔ yāgōgōri ũ. 5 Àdi yā gōgōñne a domina lí gbáru Rama kũ Betelio dagura Èflaimunɔ gukpiden. Isarailanɔ dìgō gé a kīnaa gwe. 6 Akũ à Abinɔamu né Baraki kũ à kú Kedesi, Nafatalinɔ b̀sun s̀si à p̀ine: Dikiri Isarailanɔ Luda p̀i ò fute ò gé Nafatalinɔ kũ Zebuluninɔ sé gbēnɔn d̀bu kuri ò gé kũwo Tabo kpia. 7 Dikiri ni Yabĩ z̀karinɔ gbē z̀kō Sisera gáte à su k̄ao Kisō swai kũ a s̀gonɔ kũ a z̀karinɔ dasidasi, gwen ani a nanne n ɔĩ. 8 Akũ Baraki p̀ine: Tó ĩni gé kũmao dé, mani gé. Tó ĩni gé kũmao s̀ro, mani géro. 9 Akũ Debora p̀i: Mani gé kũwo, ama kũ ò le, adi ke n tó mé ani boro. Nɔgbēn Dikiri ni Sisera nane a ɔĩ sà. Akũ Debora f̀te à g̀e k̄ao Kedesi. 10 Akũ Baraki Zebuluninɔ kũ Nafatalinɔ k̀kara Kedesi, akũ à dà zén g̀e kũ gbēnɔn d̀bu kurii p̀inɔ. Debora kú ò té. 11 Keni buri Eberu b̀ Keninɔ b̀sun yā, à s̀ à b̀raa k̀te gbiri lí kũ à kú Zananimu gbáru Kedesi sare. Keninɔ bi Musa anzure Obabu burinɔ dome. 12 Ò p̀i Siserane Abinɔamu né Baraki g̀e Tabo kpia, 13 akũ à a s̀go m̀pɔnɔ k̀kara m̀n wàa siikō kũ basɔroo kũ z̀kari kũ ò kú k̄aonɔ. Bona zaa Arose Goyimu, ò g̀e Kisō swai. 14 Akũ Debora p̀i Barakinɔ: Ñ gé, zaakũ gbāran Dikiri ni Sisera nanne n ɔĩ. À de Dikiri d̀nne are k̀ fá. Akũ Baraki k̀pa Tabo kpia kũ z̀kari gbēnɔn d̀bu kurii p̀inɔ. 15 Dikiri tò Sisera kũ a s̀gonɔ kũ a z̀karinɔ f̀kōa Baraki f̀edanɔ, akũ Sisera b̀ a s̀gon à bàa lè. 16 Baraki p̀te Sisera z̀karinɔ kũ ò s̀gon ari Arose Goyimu. Gwen à ò deden kũ f̀edao ò p̀nki, bee gbē m̀n do adi g̀ro. 17 Akũ Sisera bàa lè g̀e à g̀e

Keni buri Eberu nanŋ Yaeli kuta kīnaa, zaakū Azo kīna Yabī kū Eberu bedenŋ kŋ yā mà yā. ¹⁸ Yaeli bò à dàale à pì: Ì mŋ ò gē kpén, Baa. Ì gē! Ìsun tó vīna n kūro. Kū à gē, akū nŋgbē pìi bŋrŋgŋ dàala, ¹⁹ akū Sisera pìne: Ími teni ma de. Ì ma gba í mà mi. Akū à vī tūruu sè à dāne à mì, akū à èra à bŋrŋgŋ dàala. ²⁰ Sisera pìne: Ì ze kpélele. Tó gbēke sù à n la à pi, gbēke kú la yá, ò pìne, oi. ²¹ Kpasa'i a sè, a gbāna làka, akū Eberu nanŋ Yaeli kuta káro sè kū éreo à nàò Siserai tēne, akū à káro pìi pè a mì'are kpadoa à pà ari à gē à gèe à zīte kù, akū à gà. ²² Barakī sŋ àten péte Siserai, akū Yaeli bò à gèe à dàale à pì: Ì mŋ mà gbē kū nteni wete mŋnne. Kū à gē kpén, akū à Sisera è wutena, à gà kū károo pena a mì'are kpadoa. ²³ Zī birea Luda Kanaa kīna Yabī bùsa Isarailanŋe. ²⁴ Akū Isarailanŋ pāsīke ten kara ari ò gèe ò Kanaa kīna Yabī dèò.

Akū ñ bùsuu gŋ a laakariia ari wè bupla.

6

Midiānŋ tŋna Isarailanŋa

¹ Isarailanŋ èra ò yā kū Dikiri yeiro kè dŋ, akū Dikiri ñ ná Midiānŋne ñ ŋ ari wè suppla. ² Kū Midiānŋ ten ŋ tŋmma, akū Isarailanŋ utekinŋ kèke gukpidenŋ kū gbèwēenŋ kū sēntepŋrŋtuŋ. ³ Tó ò pŋ tŋ, Midiānŋ kū Amalekinŋ kū ifāboki kpa buri pāndenŋ dī su ò léteímame. ⁴ Òdi su ò bùra káte ñ bùsun, akū òdi ñ burapŋnŋ yakañne ari à gé péo Gazaa. Òdi pŋke tó Isarailanŋero ke sā ke zù ke zaaki. ⁵ Òdi su kū ñ pŋkādēnŋ kū ñ bizakutanŋ

kà dò'oron à sùo gbiri lí pì gbáru gwe, akū à dītene. ²⁰ Luda Malaikaa pìne: Ñ nòbo kū burodiió sé ñ káte gbè díkĩnaa ñ dò kúa. Akū à kè le. ²¹ Akū Dikiri Malaikaa gò kū à kũnaa zò nòbo kū burodii píioa, akū té bò gbèe pìi gūn à kũ nòbo kū burodii píiooa, akū Dikiri Malaikaa pì dibi lè. ²² Kū Gidiŋn dè Dikiri Malaikaame, à pì: É'e! Dikiri Luda, ase n Zĩrin ma wé siàle tētētē yá? ²³ Akū Dikiri pìne: Ñgò kú aafia! Ñsun tó vĩna n kũro. Īni garo. ²⁴ Gidiŋn Dikiri gbagbaki bò gwe, akū à tó kpà gu pìine Dikiri Aafiade. À kú Ōfla Abieza gwe ari kū a gbārao.

Tana gbagbaki gboronaa

²⁵ Zĩ birea gwāani Dikiri pìne: Ñ n de zùsa kū à kà wè suppla kū ñ Baali gbagbaki kū n de vī gboro ñ Asera lí kū à ze a sare zò ñ ne. ²⁶ Ñ makū Dikiri n Luda gbagbaki bo a zéa sīsĩ díkĩna musu. Ñ Asera lí kū n zò séte yàka ũ ñ sa'opò kū òdi ká tén à té kū oma kū zùu píio. ²⁷ Akū Gidiŋn a zĩkerinò sè gbēnŋn kuri à kè lákū Dikiri òne nà. Kū àten vĩna ke a de bedenŋne kū wētedenò yāi, adi we à kè fānantēro, sé gwāani.

²⁸ Kū wētedenò fùte kŋnkò, ò è ò Baali gbagbaki gbòro ò Asera lí kū à ze a sare zò ò nè ò sa ò kū zùuo sa'oki dufu kū ò bòoa. ²⁹ Akū ò kō lala: Dí mé à kè lee? Kū ò donyĩ ò gbèkagbeka, akū ò mà ò pì: Yoasi né Gidiŋn mé à kè. ³⁰ Akū wētedenò gèe ò pì Yoasine: Ñ bo kū n néo ò a de, zaakū à Baali gbagbaki gbòro akūsò à Asera lí kū à ze a sare zò à nè. ³¹ Akū Yoasi pì gbē kū ò likaainŋne: Ákŋnò mé áni yā sí Baaline yá? Ákŋnò mé áni a bo yá? Oni gbē kū à yā sìne de ari gu

gŏ gĕ dŏ. Tó tĕnan a ũ, à gí kŭ a zĩdao a gbagbaki kŭ ò gbòro yāi. ³² Zĩ birean ò tó kpà Gidiŋne Yerubaali ò pi: Ò à tó kŭ Baalio, zaakŭ a gbagbakin à gbòro.

Gidiŋ sèdagbekana Dikiria

³³ Midiānŏ kŭ Amalekinŏ kŭ ifāboki kpa gbĕ pāndenŏ kŏ kākara n pínki ò bikù Yodaa, akŭ ò bùraa kàte Yezerili guvuten. ³⁴ Dikiri Nini gĕ Gidiŋ gŭn, akŭ à Abiezanŏ sìsi kŭ kuruo de ò su ò téai. ³⁵ À gbĕnŏ zĩ Manasenŏ bùsu gu sĩnda pínkia ò n sìsi se ò su ò téai. Akŭ à gbĕnŏ zĩ Asanŏ bùsun kŭ Zebuluninŏ bùsuuo kŭ Nafatalinŏ bùsuuo. Akŭ ò sù ò kākara kŭnwo.

³⁶ Gidiŋ pì Ludane: Tó ïni Isarailanŏ bo ma gāi lākŭ n a lé sēmene nà, ³⁷ n gwa, maten sākā kàte pŏwgegbĕkia. Tó plí kpà sākā pìia ado akŭsŏ zĩte gŏ kori, mani dŏ sà kŭ ïni Isarailanŏ bo ma gāi lākŭ n ò nà. ³⁸ Akŭ à kè le. Kŭ gu dŏ, akŭ à fùte kŏnkŏkŏnkŏ à sākā pìi fĕ, a í ta pà. ³⁹ Akŭ Gidiŋ pì Ludane: Nsun pŏ fĕ kŭmaoro. Má ye mà yā gbekamma gĕn do dŏ. N tó mà gwa sākāa gĕn do dŏ. Adikīna sà, n tó plí kpà zĩtea ado, sākā gŏ kori. ⁴⁰ Gwāani birea Luda kè le. Plí kpà zĩtea gu sĩnda pínkia, sākā mé à gŏ kori ado.

7

Gidiŋ kŭ a gbĕnŏ zìblena Midiānŏa

¹ Gidiŋ kŭ gbĕ kŭ ò kú kāaonŏ fùte kŏnkŏ kākukaaku ò gĕe ò bùraa kàte Arodi ísĕbokia. Midiānŏ bùra kú guvuten gugbānduru kpa Mŏre sĕsĕgerēi. ² Akŭ Dikiri pì Gidiŋne: Gbĕ kŭ ò kú kŭnwonŏ kè dasi, mani Midiānŏ nañne n ŏiro. Tó

ma n nánne n ɔĩ, oni ãa dā ò pi n zĩda gbāna mé à n bó. ³ N̄ kpàkpa ke gĩa n piínne, gbē kū swèe kèagu àten lukaluka, ade era. Akū gbēnɔn dúbu baro awεεpla èra, gbēnɔn dúbu kuri mé ò gò. ⁴ Akū Dikiri pì Gidiɔnne: Ò kpé dasi ari tera. N̄ gé kũnwó í kĩnaa, mani n pleplenne gwe. Gbē kū ma ònne oni gé kũnwonɔ mé oni gé, gbē kū ma ònne oni gé kũnworonɔ s̄ mé oni ḡ. ⁵ Kū à gèe kũnwó í kĩnaa, Dikiri pìne: N̄ gbē kū n è ò lé pète ía lán gbē bànɔ sé kpado kū gbē kū ò kùte n kosoà ò í dà kū ɔ òten minɔ. ⁶ Gbē kū ò lé pète íanɔ gbēnɔn wàa do kpé basɔrome. Gbē kparanɔ s̄ ò kùte n kosoà ò í mì. ⁷ Akū Dikiri pì Gidiɔnne: Mani Midiānɔ naáre á ɔĩ kū gbēnɔn wàa do kpé basɔro kū ò lé pète íanɔ sà mà á bo. N̄ gbē kparanɔ gbarε, n̄ baadi tá a bea. ⁸ Akū Gidiɔn gbēnɔn wàa do kpé basɔro pìnɔ sè, ò gbē kū òten tá benɔ zànanɔ kū n̄ kurunɔ s̄r̄ma, akū à n̄ gbáε.

Gidiɔn kú s̄s̄i musu, Midiānɔ bùra kú guvuten a gēi. ⁹ Gwāani birea Dikiri yā òne à pì: N̄ fute n̄ gényĩ n̄ bùran, zaakū ma n nánne n ɔĩ. ¹⁰ Tó v̄ina teni n kū n̄ gényĩme, n̄ kipa n̄ gé leele kū n zĩkeri Puraò ¹¹ n̄ s̄a kpá yā kū òten oi. Yā pì ni n gba swè de n̄ gényĩ n̄ bùran. Akū à kipa kū a zĩkeri Puraò ò nà n̄ bùra léi. ¹² Midiānɔ kū Amalekinɔ kū ifāboki kpa gbē pāndenɔn katena guvuten n̄ pínki, ò kpá lán sutēnɔ bà. Odi f̄ ò n̄ lakuminɔ nàroro, ò dasi lán ísirale bùsu'atē bà.

¹³ Kū Gidiɔn kà gwe, à gbēke lè, àteni a nana baba a gbēndonε à pì: N̄ nana kū ma ò ma. Ma è burodì bundurunna ten gbigiri ke, akū à lète ó

bùran à sì bizakutaa, akū kuta pìi lète kpɛdangara à gò katena. ¹⁴ Akū a gbɛndo pìi pìne: Yoasi né Gidion, Isaraila buri fɛnedan n è gwe, adi ke pò pāndenlo. Luda Midiāno kū ó bùraao nāne a ɔĩ pínki.

¹⁵ Kū Gidion nana pì yā mà kū a bɔkɔtenaao, à donyĩ kè Dikirine. Akū à èra Isarailano bùran à pì: À fute! Dikiri Midiāno nàwɛɛ ó ɔĩ. ¹⁶ À gbɛnon wāa do kū basɔroo pino kpàate gā aakɔ, akū à kuru kū lo korio kpà n baadia. Akū ò sɛte sɔtɔsɔto lo pino gūn. ¹⁷ À pìinne: Maten gé ari n bùra léa. Àgɔ ma gwa. Lákū a è ma kè nà, à ke le se. ¹⁸ À lika n bùraai pínki. Tó makū kū gbɛ kū ò kú kūmaono ó kuru pè, à á pò pé se à wiki lé à pi: Dikiri pòme kū Gidionwo. ¹⁹ Gidion kū gbɛnon basɔro kū ò kú kāaono kà bùra léa lizāndo gudākpārinɔ kō lilinkɛnaa gbera gōno. Akū ò n kuru pè n pínki, ò lo kū ò kūnāno wìwi. ²⁰ Akū gā aakɔ pino baadi a kuru pè ò n lonɔ wìwi. Ò sɛteno kūna ɔzen, ò kuru kū òten péno kūna ɔplan. Akū ò wiki lè ò pì: Dikiri kū Gidionwo fɛnedame. ²¹ Baadi ze a gbèn likana bùraai, akū bùradeno fùte ò lèkɔa kū wikio ò bàa lè. ²² Kū ò kuru mèn wāa do kū basɔrono pè le, Dikiri tò bùraa pì deno kō dède kō tēne kū fɛnedao. Zìkarii pino bàa lè ò tà Bɛtesita kū Zererao ari Abeli Mɛɔla léa Taba kpa. ²³ Ò Nafatalino kū Asano sìsi kū Manaseno n pínki, akū ò pète Midiānoi. ²⁴ Akū Gidion gbɛno zì ò gèe Eflaimuno gukpiden pínki, ò pìinne: À kipa à gé Midiānoi. À zé zōinne Yoda bikūkinɔa ari Bɛtebara. Akū ò Eflaimuno sìsi n pínki ò gèe ò zé zōinne Yoda bikūkinɔa ari Bɛtebara. ²⁵ Akū Eflaimuno Midiā kīnāno kù gbɛnon pla, Orɛbu kū Zebu. Ò Orɛbu dè

gbèe sarε, kŭ òdi pi tera Orebu gbèe. Ò Zebu dè dɔ, gu pìn òdi pi tera Zebu geepi'ifèki. Akŭ ò èra ò pè Midiānɔa. Akŭ ò kína pìnɔ m̀i z̄z̄ ò gèeɔ Gidionne Yoda bara dire.

8

¹ Eflaimunɔ Gidion là ò pì: Bó yā mé à tò n kèwεε lεε? Kŭ nten gé z̄l ká kŭ Midiānɔ, akŭ nídi ó sísiroo? Akŭ ò yākete kài lε manamana, ² akŭ à pìñne: Bón ma kè kŭ à kà á pó ũu? Ákōnɔ Eflaimunɔ geepi kōnɔwena mana de ókōnɔ Abiezanɔ geepikekenala. ³ Luda Midiā kínanɔ Orebu kŭ Zebuo nàare á ɔl. Bón ma f̄ ma kè kŭ à kà á pó ũu? Kŭ à òñne lε, gbasa n̄ pɔf̄ε kpàte sà.

Zeba kŭ Zalamunao dedenaa

⁴ Gidion kŭ a gbē gbēnɔn wàa do kŭ basɔronɔ kpé òten péte Midiānɔi, bee kŭ n̄ gbāna bùsa. Kŭ ò kà Yodai, akŭ ò bikù. ⁵ Akŭ à pì Sukodenɔne: À ma gbēnɔ gba póble. N̄ gbāna bùsa akūs̄ má kpé maten péte Midiā kínanɔ Zeba kŭ Zalamunaoi. ⁶ Akŭ Suko gbē z̄kōnɔ pì: Zeba kŭ Zalamunao gè n̄ ɔl kòn yá? Bón tò óni n̄ z̄lkarinɔ gba póblee? ⁷ Gidion wèmma à pì: Zaakŭ a ò lε, tó Dikiri Zeba kŭ Zalamunao nàmenε ma ɔl, mani á ke yákiyaki kŭ gbāranna lèeɔ. ⁸ Zaa gwe à gèe Penieli, akŭ à wé kèmma lε dɔ. Penielidenɔ wèa lákŭ Sukodenɔ wèa nà dɔ, ⁹ akŭ à pìñne se: Tó ma γε ma su aafia, mani gudákpāki lei díkīna gboro.

¹⁰ Zeba kŭ Zalamunao kú Kako kŭ n̄ z̄lkarinɔ gbēnɔn dúbu gēro. Ifāboki kpa z̄lkarì kŭ ò gōnɔn gwe. N̄ f̄enɛdadennɔ gàga gbēnɔn dúbu basuddo.

¹¹ Gidion lagatarinɔ zé sè Nɔba kŭ Yɔgbεao ifāboki

kpa, akū à sì zìkarii pìnŋ té gŋrŋ kū ò sà ñ zīda yān. ¹² Midiā kína pìnŋ Zēba kū Zalamunao bàa lè, akū à pèteŋyī à ñ kùkū, akū à tò ñ zìkarinŋ lèkōa ñ pínki.

¹³ Kū Yoasi né Gidion bò zìlan àten su, à bòte Eresi Gbèkpakotozen, ¹⁴ akū à Suko kefenna ke kù à a lala yāi, akū kefenna pì Suko gbē zōkōnŋ tó kènne takadan gbēnŋn baaakō akuri awēesuppla. ¹⁵ Akū Gidion gèè à Sukodenŋ lè à pì: Zēba kū Zalamunao dí. A ma lalandii kè yā a pì, Zēba kū Zalamunao dí gē ma ōi kòro. Áni fō à ma gbē kū ñ gbāna bùsanŋ gba póblero. ¹⁶ Akū à wēte pì gbē zōkōnŋ pìnŋ kùkū à ñ ké yákiyaki kū gbáranna lèeo, ò dō. ¹⁷ Akū à gèè à Penieli gudākpāki lei gbòro à wēte gōgbēnŋ dède.

¹⁸ Akū à Zēba kū Zalamunao là à pì: Gbē kū a ñ dede Tabonŋ de deramē? Ò wèa ò pì: Ò de lán n bàme, ñ bona de lán kīnanenŋ bà. ¹⁹ Akū Gidion pínne: Ma vīni dadokōnŋdenŋn gwe. Tó a ñ tó yā, kū Dikirio mani á dederō. ²⁰ Akū à pì a daudu Yetane: Ñ fute ñ ñ dede. Né pì dí a fēneda wotoro, vīna a kù, zaakū né fītinnamē. ²¹ Akū Zēba kū Zalamunao pì: Ñ fute ñ ó dede n zīda. Baadi kū a gbānaome. Akū Gidion fūte à ñ dede à mōzā kū ò dada ñ lakuminŋ wakaano bòte.

²² Isarailanŋ pì Gidionne: Ñ gō ó mīde ū kū n burinŋ. Zaakū mōkōn mé n ó bó Midiānŋ ōi. ²³ Akū Gidion pínne: Mani gō á mīde ūro, bee ma né. Dikirime á kína ū. ²⁴ Akū à èra à pínne: Maten wé keáwa: Á baadi pōsā kū à sīmma kpáma mèn dodo. Midiānŋ dīgō wura pōsā dana, zaakū Sumaila burinŋme. ²⁵ Ò pine: Óni kpámma kū nèseeo do. Ò biza kpàte, akū baadi pōsā kū à sīmmanŋ dàn

mèn dodo. ²⁶ Wura pòsã kũ à gbèkańma pìnɔ tìkisii kà kiloo baro, mòzãɔ kũ pòsãɔ kũ arukĩmba tẽra kũ Midiã kınanɔ dananɔ kũ mòzã kũ ò dada n lakuminɔ wakaaanɔ baasi. ²⁷ Akũ à pì màsokẽbɔ ũ à pète a be wẽten zaa Ōfla. Akũ Isarailanɔ pãpã kè ò dòi n pínki, akũ à gò tankute ũ Gidionne kũ a bedenɔ.

²⁸ Len Isarailanɔ Midiãɔ gbãna bùsa le. Midiãɔ dí le ò mii bò doro. Akũ Isarailanɔ bùsu gò katena aafia Gidion gɔɔ ari wè bupla.

Gidion ganaa

²⁹ Yoasi né Gidion gèe à vùte a bea. ³⁰ A négõgbẽ kũ à n ínɔ gbẽnɔn baaakõ akurime, zaakũ a nɔnɔn dasi. ³¹ À nɔpose vĩ dɔ zaa Sekemu kũ à négõgbẽ ì kãao, akũ ò tó kpãne Abimeleki. ³² Yoasi né Gidion gà a wèmanagɔɔa, akũ ò a mira kpàkũsũ kũ a de pɔɔ zaa Ōfla Abieza.

³³ Kũ Gidion gà gònɔ, akũ Isarailanɔ èra ò pãpã kè ò dò Baalii. Akũ ò tãna kũ òdi pi Baalibakakukũoo pète n dikiri ũ, ³⁴ akũ Dikiri n Luda kũ à n bó n ibere kũ ò likańyĩ kpa sında pínkianɔ ɔĩ yã sãngu. ³⁵ Odi gbẽke ke Gidion kũ òdi pine dɔ Yerubaali bedenɔne yã mana kũ à kèńne pínki musuro.

13

Samusi inaa

¹ Isarailanɔ èra ò yã kũ Dikiri yeiro kè dɔ, akũ Dikiri n ná Filisitininɔne n ɔĩ ari wè bupla. ² Gõgbẽ ke kú Zɔra, Dã burime, a tón Manɔa. A nanɔ bi paramẽ, adi né iro. ³ Dikiri Malaikaa bò à sù nɔgbẽ pìia à pì: N ma! Paramẽ n ũ, ndi né iro, ama ñni nò

sí ñ né i gǫgbē ũ. ⁴ Ñ laakari ke! Ñsun wē ke í gbāna ke miro. Ñsun tē ke blero. ⁵ Ñni nò sí ñ né i gǫgbē ũ. Gē sún na né pìi m̀iario, zaakū anigǫ de Luda pó ũme zaa a igǫrǫ. Akū mé ani na Isarailanǫ bonaaa Filisitininǫ ǫĩ.

⁶ Akū nǫgbē pìi gèe à ò a zāne à pì: Luda gbēke sù ma kīnaa. Tó n a è, à de lán Luda Malaikaa bà à naasi vī manamana. Mádi a la tó máme à b̀onlo, akūsǫ adi a tó omenero. ⁷ À p̀imene mani nò sí mà né i gǫgbē ũ. À p̀imene màsun wē ke í gbāna ke miro, akū dǫ màsun tē ke blero, zaakū né pì nigǫ de Luda pó ũme zaa a ina gǫrǫ ari a ẁendi lén. ⁸ Akū Manǫa wé kè Dikiria à pì: N yā nna Dikiri! Ñ tó gbē kū n zī era à su dǫ à yā kū óni ke kū né p̀io a inaa gbera dawere. ⁹ Luda Manǫa yā mà, akū Luda Malaikaa p̀ii era à sù nǫgbē p̀iia gǫrǫ kū à kú bura. A zā Manǫa kú kāao gwero, ¹⁰ akū à kè likalika à bàa lè à gèe à òne à pì: Gǫgbē kū à bò à sùma zī k̀ua k̀u dí d̀ee! ¹¹ Manǫa f̀ute à tē a nanǫi. Kū à kà gǫgbē p̀i kīnaa, à a là à pì: M̀okǫn mé n yā ò kū ma nanǫ yá? À wèa à pì: Makūme! ¹² Akū Manǫa a là à pì: Tó n yā p̀ii p̀apa, né pì nigǫ de deramee? Bó zīn anigǫ kee? ¹³ Dikiri Malaikaa wèa à pì: N nanǫ gǫ yā kū ma òne k̀una p̀inki. ¹⁴ Àsun geepi lí p̀oke blero. Àsun wē ke í gbāna ke miro. Àsun tē ke blero. Àgǫ yā kū ma d̀itene k̀una p̀inki. ¹⁵ Akū Manǫa p̀ine: N yā nna, ñ ze gīa ari ò blène b̀orǫ kekenne. ¹⁶ Dikiri Malaikaa wèa à pì: Bee tó ma gǫ la, mani n p̀oke blero. Tó n sa'opǫ kū òdi ká tén à té kū soru kè, ñ o Dikiria. Manǫa dí dǫ kū Dikiri Malaikaamero, ¹⁷ akū à a là à pì: N tón deramee? Tó yā kū n òo p̀ii kè, óni sáabu

kenne. ¹⁸ Dikiri Malaikaa wèa à pì: Bóyāin nteni ma tó gbekaa? Tó bonsareme. ¹⁹ Akū Manᵒa blène bᵒrᵒᵒ kū à flawaa sè à Dikiri gbàgbao gbè ke musu. Kū Manᵒa kū a nanᵒᵒ ten gwa, akū Dikiri yābonsare kè ²⁰ à tò té bᵒ sa'oki pìn à fùte musu, akū Dikiri Malaikaa fùte tévuraa pì gūn à tà musu. Kū Manᵒa kū a nanᵒᵒ è le, akū ò wùte nèsele kutena.

²¹ Dikiri Malaika dí era à sù Manᵒa kū a nanᵒᵒᵒᵒᵒ dorō, akū Manᵒa dᵒ sà kū Dikiri Malaikaame. ²² Manᵒa pì a nanᵒne: O gan yee! Zaakū o Luda è kū wéō. ²³ Akū a nanᵒ pìne: Tó Dikiri ye à ó deme, de adi sa kū o òa kū flawaao síro, de adi yā dínᵒ owerero, akūsᵒ adi yā pì mᵒwerero.

²⁴ Nᵒgbē pì né ì gᵒgbē ũ, akū à tó kpàne Samusi. Né pì zᵒkᵒ kū, akūsᵒ Dikiri arubarikaa dàne. ²⁵ Dikiri Nini nà zīkenaaa a gūn gᵒᵒᵒ kū à kú Dānᵒ buran, Zᵒra dagura kū Esetaoluo.

14

Samusi nᵒsena Filisitininᵒ té

¹ Samusi gèe Timina, akū à Filisitini nénᵒkpare ke è gwe. ² Kū à sù, akū à pì a de kū a daone: Ma Filisitini nénᵒkpare ke è zaa Timina. À gé à a wetemene mà sé nᵒ ũ. ³ Akū a de kū a dao pìne: Nᵒ kú n danenᵒ ke n burinᵒ ténloo? Akū ìni gé ò nᵒ sé Filisitini gyᵒfᵒrᵒdenᵒ té yá? Akū Samusi pì a dene: Ì gé ò a wetemene dé, zaakū nᵒkpare pìn má yei. ⁴ A de kū a dao dí dᵒ kū yā pìi bᵒ Dikiri kīnaanlo, zaakū Dikiri ten zé wete à yā mᵒ Filisitininᵒneme. Gᵒᵒᵒ birea Filisitininᵒ mé òten kí ble Isarailanᵒa.

⁵ Akū Samusi ten gé Timina kū a deo kū a dao. Kū ò kà Timina geepi bura, músune bᵒrᵒᵒ bᵒ Samusii

àten pŭtā. ⁶ Dikiri Nini sùa, akŭ à mŭsuu pìi kŭ à kèkōre lākŭ blène bōrōn à kèkōre bà. À pōke kŭna a oī sōro. Adi yā kŭ à kèe pì o a de ke a danero. ⁷ Akŭ à gèe à yā ò kŭ nōkpare pìio, nōkpare pì sō à kène māna.

⁸ Kŭ à gōrō pla kè, à fŭte àten gé nō pì sé, akŭ à līte à gèe mŭsu gèe pì gwa. Akŭ à è zōnō sàa dō a gèea ari ò í kè. ⁹ Akŭ à ò dān à a sàa gā à wōto àten ble, akŭ àten táo. Kŭ à kà a de kŭ a dao kīnaa, à līne ò blè, ama adi oīne kŭ a bō mŭsu gèe gŭmmero.

Samusi gara kutu dana Filisitininone

¹⁰ A de gèe nōkpare pì kīnaa, akŭ Samusi pōnna pōble kèīne lākŭ nōserii dī ke nà. ¹¹ Kŭ à sù, ò kefennanō sīsī gbēnōn baraakuri ògō kŭ kāao. ¹² Akŭ Samusi pīīne: Má gara kutu ke vī mà daāre. Ari pōblena gōrō suppla dí gé papao, tó a fō à gara pìi bōmene, mani biza kpááwa pìi baraakuri kŭ utao waka baraakuri. ¹³ Tó ádi fō à bōmene sōro, ákōnō mé áni biza pìi baraakuri kŭ uta waka baraakuriio kpáma. Akŭ ò pīne: Ñ ñ gara pìi dawere ò ma. ¹⁴ À pīīne:

Pōble bō pōsorii gŭn,

pō nna bō pō gbāna gŭn.

Akŭ odi fō ò gara pìi bōro ari gōrō aakō. ¹⁵ A gōrō siikōdea ò pìi Samusi nanone: Ñ òndō ke n zāne à gara pìi bowere. Tó lenlo, óni n kpata kŭ n de bedenō. Ase a ó sīsī de à ó pōnō síwámee?

¹⁶ Akŭ Samusi nanō ten óo dōne à pìi: N zāmagu! N yemairo! N gara ke dà ma gbēnōne, akŭsō nídi a bona omenero. Akŭ à pīne: Mádi o ma de ke ma danero. Bó mé à tò manī onnee? ¹⁷ Àten óo dōne ari gōrō suppla pìi gèe à pāpao. A gōrō supplade pìn akŭ

Samusi gara pìi bònè kũ à nàkaraa yāi, akũ a nɔ pìi gèè à ò a gbēnɔnɛ. ¹⁸ A gɔɔ suppladea ari ifántē gō gé gē kpén wēte pìi kefennanɔ pìne:

Bó nna mé à de zólaa?

Bó gbāna mé à de músulaa?

Akũ Samusi pìinne: Tó adi ke a bú wì kũ ma zùnunuoro, de ádi fɔ a ma gara pìi boro. ¹⁹ Dikiri Nini sùu, akũ à gèè Asakelɔni à gōgbēnɔ dèdè gbēnɔn baraakuri à n pókasanɔ bōboŋma, akũ à gèè à kpà gbē kũ ò a gara pìi bōnenɔa. Akũ à pɔ fē à tà a de bea. ²⁰ Akũ ò Samusi nɔ pìi kũ ò kpà a gbēnna kũ à zè a sarea nɔ pìi ségɔɔa.

15

Samusi tésɔna Filisitininɔ buraa

¹ Kũ à kè gɔɔ pla, burapɔnɔ kekegɔɔ kà, akũ Samusi blènè bòrɔ kũ à gèè a nɔ pìi gwao. À pìi: Má ye mà gē ma nanci kpén. Akũ a nɔ pìi de dí a gba zéro ² à pìi: Maten da n yeimero, akũ ma a kpà n gbēnnaa. A dakũna mana deala. N̄ a sé a gēne ũ. ³ Samusi pìinne: Tó ma yā vāni kè á Filisitininɔnɛ sà, manigō taari vī doro.

⁴ Samusi gèè à gbēgbonnɔ kũkũ wàa do kũ basɔroo, akũ à sèè yīyī térereterere. À gbēgbon pìnɔ vlā yīyīkōa plapla, akũ à sèè pìi yīyī n̄ vlā pìnɔa. ⁵ À té nà sèè pìnɔa, akũ à gbēgbon pìnɔ gbàre Filisitininɔ bura. N̄ pówenɔ té kũ pínki kũ n̄ pówe gbànɔ kũ n̄ geepi búɔnɔ kũ n̄ kùkpenɔ pínki. ⁶ Akũ Filisitininɔ pìi: Dí mé à yā dí taka kèwɛɛɛ? Akũ ò pìi: Samusime, Timina gbē anzuree. A anzuree pìi a nɔ siame, akũ à kpà a gbēnnaa. Akũ Filisitininɔ gèè ò té sò nɔ

pīia kŭ a deo. ⁷ Samusi pīinne: Zaakŭ a kè lɛ, mani kámma boro ari ma gɛ fīna booáwa. ⁸ À sì n̄ té à n̄ ké dúgudugu, n̄ dɛdenaa pì gè onala, akŭ à gèè à vùtɛ Etamu gbèwɛɛn.

Filisitininɔ dɛdɛna kŭ zaaki gɛɛwao

⁹ Filisitininɔ gèè ò bùraa kàtɛ Yudano bùsun, ò dàgula ari Gɛɛwɛa sarɛ. ¹⁰ Akŭ Yudano n̄ lá ò pì: Bóyái a suwái kŭ z̄iioo? Akŭ ò pì: O su ò Samusi kŭmɛ, de ò kɛnɛ lákŭ à kèwɛɛ nà. ¹¹ Akŭ Yudano gbɛnɔn dúbu aakɔnɔ gèè Etamu gbèwɛɛ kīnaa ò pì Samusinɛ: N̄ d̄s kŭ Filisitininɔ mé òtɛn kí blewároo? Bó yān n̄ kèwɛɛ gwee? À wɛm̄ma à pì: Pó kŭ ò kɛmɛnɛn ma kèr̄nɛ. ¹² Akŭ ò pì: O su ò n̄ yī ò n̄ kpám̄ma. Akŭ Samusi pì: À la damɛnɛ kŭ áni ma dɛ á zīdaro. ¹³ Akŭ ò p̄inɛ: Oi! Óni n̄ dɛro. Óni n̄ yī kŭ bàaomɛ ò n̄ nañnɛ n̄ ɔ̄. Akŭ ò a yī kŭ bà dufuo mèn pla ò bò k̄āao gbèwɛɛɛ p̄i gŭn. ¹⁴ Kŭ ò kà k̄āao Gɛɛwɛa, akŭ Filisitininɔ sù ò daalɛ, òtɛn wiki léa. Dikiri Nini sù Samusia, akŭ bà kŭ ò a yīo a ɔnɔa muna kŭ, akŭ bàa p̄inɔ z̄ɔz̄k̄ɔrɛ a ɔa. ¹⁵ À zaaki gè dufu gɛɛwɛa è, akŭ à nàtɛ à sè à gbɛnɔn wàa sɔɔronɔ dèdɛo. ¹⁶ Samusi pì:

Zaaki gɛɛwan ma gbɛnɔn wàa sɔɔronɔ dèdɛo,
zaaki gɛɛwan ma n̄ t̄ɔt̄k̄ɔao.

¹⁷ Kŭ à yā p̄i ò à làka, akŭ à gɛɛwɛa p̄i zùkŭna. Akŭ ò tó kpà gu p̄inɛ Gɛɛwɛa S̄is̄i.

¹⁸ Ími a kŭ gbāna, akŭ à ɔɔ d̄o Dikirinɛ à pì: N̄ tò makŭ n̄ z̄òbleri ma z̄i blè manamana, akŭ n̄ ye mà ga kŭ ímio mà létɛ Filisitini gyɔfɔrɔdenɔ ɔ̄ yá? ¹⁹ Luda Gɛɛwɛa guwɛɛ lòkotoo pàra, akŭ í bòn.

Samusi m̀, akū a ẁndii s̀ à gbāna lè. Abire yāin òdi gu p̀ sísi Enakore. À kú Gerewa ari kú a gbārao. ²⁰ Samusi yā g̀g̃s̃ Isarailanɔne ari ẁ baro Filisitininɔ kiblemmanagɔɔ.

16

Samusi Gaza g̃eki gbà gboronaa

¹ Samusi g̃e Gaza à karua ke è gwe, akū à g̃e à wute k̃āao. ² Ò p̀ Gazadenɔne: Samusi kú la. Akū ò lika z̀ gu p̀ii, òteni a d̃a w̃ete g̃ekia gwāani. Ò ỹte gwāani piia ò p̀: Tó gu d̀, óni a dem̃e. ³ Samusi w̃ute gwe ari lizāndo, akū à f̃ute à g̃e à w̃ete g̃eki gbàa k̀ kú a lípetena m̀n planɔ à g̃a à wò kú a gbāngao lele. À dà a g̃an à g̃e à z̀kūna s̃is̃i kú à are d̀ Eblɔnua musu.

Samusi kú Delilao

⁴ Abire gbera Samusi yè nɔgb̃e kei zaa Sɔɔeki guvuten, a tón Delila. ⁵ Akū Filisitini ḱnanɔ g̃e ò nɔgb̃e p̀i lè ò p̀ine: Ñ ñnd̃ k̃p̃atei de ñ le ñ a gbāna z̀k̃s̃ p̀i asiri d̃ kú lákū óni ke nà ò gbāna m̃ne. Tó o a ỹ bàao o a gbāna b̃usa, ó baadi ni n gba andurufu ɔɔ m̀n w̃a s̃ɔro kú bas̃ɔroo. ⁶ Akū Delila p̀i Samusine: Ñ ñ gbāna z̀k̃s̃ asiri omene kú deran oni ke nà ò n ỹ kú bàao ò n gbāna busao. ⁷ À w̃e à p̀: Tó ò ma ỹ kú kyā ỹda m̀n supplao, abire mé ani ma busa màg̃s̃ de lán baadi bà. ⁸ Filisitini ḱnanɔ s̀ Delilane kú kyā ỹda kú adi kori keroo m̀n suppla, akū à a ỹo. ⁹ A k̀rinɔn utena k̃p̃enen, akū Delila p̀i Samusine: Samusi! Filisitininɔn ze la

díee! Akū à kyā pìnŋ kèkē lán bà mùkumukuu bà, odi a gbāna asiri dōro.

¹⁰ Akū Delila pìnē: Nteni ma lalandi ke, nten éke tomene. Ñ omene sà lākū oni n yī nà. ¹¹ Akū à pìnē: Tó ò ma yī kū bà gbìgiri dufu kū odi zī keo kòro, ani ma busa màgō de lán baadi bà. ¹² Akū Delila bàa pìi sè à a yìo. A kùrinŋ utena kpéne, akū à pì: Samusi! Filisitininŋ ze la díee! Akū Samusi bà kū à dŋ a ɔaa pìi kèkē lán buu bàa bà. ¹³ Delila pìnē: Nteni ma lalandi ke ari tera. Nten éke tomene. Ñ omene sà lākū oni n yī nà? Akū à pìnē: Tó n ma mìkā gbāna mèn supplanŋ kù n dà àsan n tà lán gòdoo bà, tó n káro pèa, mani busa màgō de lán baadi bà. Delila tò i a sè, akū à a mìkā gbāna mèn suppla pìnŋ kù à tà lán gòdoo bà ¹⁴ à káro pèa. Akū à pì: Samusi! Filisitininŋ ze la díee! Akū à vù à àsaa pìi gā à wò kū a mìkāo.

¹⁵ Delila èra à pìnē dŋ: Ndìgō pì í yemai, akūsō ndi ma náani keroo? N ma lalandii kè à kà gèn aakō. Ndi n gbāna zōkō asiri omeneero. ¹⁶ Len àdigō nakaraa le kū yā pìi takao lakanaa sari. Àteni a zīda yóyōne ari à gèe à fù menaa à ye à ga. ¹⁷ Akū à yā kū à kú a swèn òne pínki sà à pì: Gē dí na ma mīia zikiro, zaakū ò ma ke Luda pó ūme. Tó ò ma mīi bò, ma gbāna ni bo ma gūn, mani busa màgō de lán baadi bà. ¹⁸ Kū Delila è à yā kū à kú a swèn òare pínki, akū à légbāzā kè Filisitini kīnanōne à pì: À era à su gèn do dŋ, zaakū à a sīnda pínki òmene sà. Akū ò era ò sù a kīnaa, ò andurufuu pì kūna. ¹⁹ Delila tò i Samusi sè a gbála, akū à gōgbē ke sisi. À a mìkā gbāna mèn

suppla pìno bò, akū à nà busanaaa a gbāna pìi bò.
²⁰ Delila pì: Samusi! Filisitininŏn ze la díee! Akū
 à vù àten da áni ke lán yā bà à a zīda bomε. À dŕ
 kū Dikiri a tonlo. ²¹ Akū Filisitininŏ a kū, ò a wéno
 bòbo, akū ò gèe kāao Gaza. Ò mògotē kpàtii kpàne,
 akū ò a dà àten wísi ló kpésiran. ²² A mikā pìi èra à
 nà kunaa dŕ a bonaa gbera.

Samusi ganaa

²³ Filisitini kínano kŕ kākara de ò n tāna Dagŏni
 gbagba, akū òten pŏnna ke ò pì: Ó tāna ó ibere
 Samusi nàwεε ó ŏí. ²⁴ Kū Filisitininŏ a è, ò n tāna
 sáabu kpà ò pì:

Ó ibere ó bùsuu dè,
 à ó gbēno dèdε dúgudugu,
 akū ó tāna a nàwεε ó ŏí.

²⁵ Lákū n pŕ kè nna nà, ò pì: À Samusi sísi à fàai pŕ
 kewεε. Akū ò a bò kpésiran à yáadyā kèfne.

Kū ò a zè kpé gbègbano dagura, ²⁶ à pì kefenna kū
 à a ŕ kūnaane: N gè kūmao gbègba kū ò kpé kūnano
 sare de mà ŕ nanaa mà gbāna lea. ²⁷ Tānakpe pìi pà,
 gŕgbēno kū nŕgbēno kú gwe kū Filisitini kínano n
 pínki. Gbē kū ò kú kpé pìi musu kà gbēno wàa gero,
 kū ò sù Samusi fàai gwa.

²⁸ Samusi wé kè Dikiria à pì: Dikiri Luda, n tó
 ma yā dŕngu. Luda, n ma gba gbāna gèn do dŕ
 de mà fīna boo Filisitininŏa ma wé mèn pla yā
 musu. ²⁹ À ŕ nana gbègba mèn pla kū ò kpé pìi kūna
 guraguranŏa, a ŕpla kú a doa a ŕze kú a doa dŕ.

³⁰ À pì: N tó mà ga kū Filisitininŏo! À kutuu kè,
 akū à ŕ yīpaa kū gbānao, akū kpé pìi gbòro à sì
 Filisitini kínano kū gbē kū ò kú a gūno n pínki.

Gbē kŭ Samusi n̄ dede a gagŕŕanŕn dasi de gbē kŭ à n̄ dede gŕŕ kŭ à kú kŭ wēndiioia. ³¹ A dakŭnanŕ kŭ a de bedenŕ sù n̄ pínki ò a gèe sè ò tào, akŭ ò a mira kpàkŭsŭ kŭ a de Manŕa pŕo, Zŕa kŭ Èsetaoluo dagura. À yā gŕŕ Isarailanŕe ari wē baro.

Luda yá takada kú Bisá yáo
Portions of the Holy Bible in the Busa language of
Nigeria

copyright © 2005 SIM International

Language: Bisá (Busa)

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-10-10

PDF generated using Haiola and XeLaTeX on 11 Nov 2022 from source files dated 9 Oct 2020

8631d380-7d17-5581-abf9-174814e8ccc3